

27 OCT 1998

DUA PESERTA MEMPERDENGAR BACAAN PADA MALAM PEMBUKAAN TILAWAH

MELAKA, 27 Okt (Bernama) -- Dua peserta memperdengarkan bacaan pada malam pembukaan Majlis Tilawah Al-Quran Peringkat Kebangsaan ke-41 di Stadium Kubu di sini malam ini.

Qari dari Sarawak, Dahari Bigek memperdengarkan bacaan dengan membaca surah Al-Furqan dari ayat 21.

Johan menunggu qariah Hajah Siti Aminah Awang pula merupakan peserta kedua, yang membaca Surah Al-Baqarah dari ayat 219.

Seramai 29 qari dan qariah dari seluruh negara menyertai tilawah kali ini yang dirasmikan oleh Perdana Menteri Datuk Seri Dr Mahathir Mohamad.

Majlis pembukaan diserikan dengan persembahan nasyid dari Jabatan Pendidikan Melaka, Sekolah Jabatan Agama Islam Melaka, Merlimau dan Maktab Perguruan Perempuan Melayu Melaka, Durian Daun.

Turut mengadakan persembahan ialah Kumpulan Raihan yang popular dengan nyanyian nasyid kontemporari.

-- BERNAMA

TM FAZ